



Mikissuk Thomassen
Inatsisartunut ilaasortaq, Inuit Ataqatigiit

**Atuarfinni ulluuneranilu paaqqinnittarfinni oquk pillugu § 37 naapertorlugu
apeqqut nr. 300 pillugu akissut**

05-12-2018
Sagsnr.
Dok. nr. 9440015

Asasara Mikissuk,

Postboks 1029
3900 Nuuk
Tlf: +299 34 50 00
Email: ikin@nаноq.gl
www.nаноq.gl

Inatsisartut suleriaasiat naapertorlugu apeqqutinnut qujanaq. Apeqqutit ataani akissavakka.

**1. Illoqarfinni mikinerni nunaqarfinnilu meeqqat atuarfiit paaqqinniffillu
oqummik eqqugaaqqasunik nalunaarusiarineqarsimasunik
misissuisoqarsimava?**

Akissut: Namminersorlutik oqartussat atuarfittut illuutaannik kommuninut tunniussinissaannut sulinermt atattillugu, namminersorlutik oqartussat kommunit suleqatigalugit nunami atuarfiit ulluuneranilu paaqqinnittarfiit qanoq issusaannik nuna tamakkerlugu nalunaarsuinikuupput. Qanoq issutsinik nalilersuinerit 2016/2017-imi naammassineqarput. Tassunga atattillugu oqoqarnera pillugu assigiinngitsutigut peqqissaarussilluni misissorneqarpoq.

1. januar 2018 aallarnerfigalugu atuarfiit illuutaannut akisussaaffik tamarmi kommuninut tunniunneqarpoq, taamaasillutillu kommunit illuutit qanoq issusaat tamakkiisumik akisussaaffigilerpaat, ilanngullugulu atuarfinni ulluuneranilu paaqqinnittarfinni oqoqarnerinik misissuinernik suliaqarnernut akisussaasunngorlutik.

**2. Illoqarfinni nunaqarfinnilu atuarfiit, sunngiffimmi neqeroorutit tamanut
orninneqarsinnaasut oqummik eqqorneqarsimanersut
misissuiffiqeqarnikuuppat?**

Akissut: Kommunit sunngiffimmi neqeroorutaanni oqoqarnersoq aaqqissuussamik misissuinernik namminersorlutik oqartussat suliaqarnikuunngillat. Illuutit taakku kommunini oqartussaasunit suliaasaqarfigineqarput akisussaaffiqeqarlutillu.

**3. Illoqarfinni isorliunerusuni nunaqarfinnilu meeqqat atuarfiinik
ornittagaannillu oquttoqarneranut misissuisimanermik nalunaarusiamik
peqartoqarpa?**

Akissut: Namminersorlutik Oqartussat aamma kommunit, kommunini illuutitut akisussaasuusut, nunami atuarfinni ulluuneranilu paaqqinnittarfinni qanoq innerinik nalilersuinerni siuliani taaneqareersunik nalunaarutinik pigisaqarput.

Namminersorlutik Oqartussat nunami illoqarfinni nunaqarfinnilu sunngiffimmi
neqeroorutit pillugit nalunaarutitik tamakkiisumik peqanngilaq.

Inussiarnersumik inuulluaqqusilluta
Med venlig hilsen

Ane Lone Bagger